

重纂禮縣新志卷之一

沿革

建都設邦所以宅民也三代以封建爲重逮秦始置郡縣自漢至唐宋元明曰軍曰道曰路曰省亦因時而異其名耳禮之設縣由來遠矣而沿革不同分隸不一迄今承平已久土宇版章井然不紊矣志沿革

禮縣在秦州西南一百六十里舊稱蘭倉莫攷所自秦爲天嘉漢爲羌道上祿西縣地屬隴西郡東漢爲西縣

禮縣新志

卷之一

沿革

地仍屬隴西魏置潭水郡元魏分上祿置長道縣後魏太平眞君五年於縣置漢陽郡西魏廢帝改爲長道郡而縣曰漢陽隋開皇中改郡曰漢陽又廢郡以長道屬成州又置潭水縣唐爲長道縣地後屬秦州咸通四年廢爲鎮於秦州置天雄軍天雄節度使階成西縣皆屬焉十三年復置大潭縣宋爲大潭長道兩縣地屬秦州後屬岷州南宋割據於金紹聖間吳璘曾敗金復秦州及長道而陷復不一元以西漢當蜀隴之衝宜鎮守置蒙古千戶屯禦番戎爲禮店文州軍民元帥府屬吐蕃

宜慰司明洪武四年置禮店千戶所屬岷州衛十五年
改屬秦州衛成化九年割秦州二十九里同十百戶各
分轄於所城之西恢廓地基添築縣城始置禮縣

國朝順治初因之至十六年裁衛所十百戶舉鞏昌衛文
縣所西固所歸併禮縣統轄屬鞏昌府雍正六年改屬
秦州今因之

東至羅家堡八十里秦州界南至張官坂四十里西和
縣界西至界牌口一百里岷州界北至分水嶺六十里
甯遠縣界東南至石堡鎮四十里西和縣界西南至山
關一百六十里階州界東北至固城鎮九十里伏羌縣
界西北至省城六百四十里東北至京師三千八百
四十里

重纂禮縣新志卷之一


輿圖

禹定九州鑄鼎象物此輿圖之所昉也禮彈丸地
不得比諸名都大邑而山環水遠城郭川原宛然
綺交繡錯綜百里之形勝而約之尺幅中展卷披
圖豈不瞭如指掌哉志輿圖

坤輿全圖



禮縣新志

全縣圖



禮縣新志

縣城圖





西圖

南

禮縣新志

東北


東南



圖

三

天嘉仙樂



禮縣新志

西北

西


北

四

西南




鸞亭瑞霧



圖

五




漢水春波



禮縣新志


圖

六





祁山暮雨

禮縣新志




聖泉夜月

順縣新志



圖

禮縣新志



翠峰松濤



翠峰松濤




翠峰



+

雷峰夕照



神泉古洞



禮縣新志

圖

三



重纂禮縣新志卷之一

星野


分野之說詳於漢之天官書星度所經纏次甚廣
禹貢雍州之域天文井鬼分野自關以西皆屬焉
按漢書云東井與鬼之分野自井十度至柳三度
謂鶉首之次晉書云自東井十六度至柳八度為
鶉首於辰在未秦之分野在雍州禮接壤西川邑
置而星麗之志星野

秦地於天官東井與鬼之分野其界關以西天水武都
禮縣新志
皆屬焉禮既為天水屬邑是井鬼之分野明矣

卷之一

星野


井宿



鬼宿



柳宿



井星歌

四星橫列河中靜一星名鉞井邊安兩河各三南北正
天樽三星井上頭樽上橫列五諸侯侯上北河西積水
欲覓積薪東畔是鉞下四星名木府水位東邊四星序
四瀆橫列南河裏南河下頭是軍市軍市圍圓十三星
中有一箇野雞精孫子丈人市下列各立兩星從東說
闕邱兩星橫河中邱下一狼光蓬葦左畔有箇彎弧弓
一矢擬射頑狼胸有箇老人南極中春秋出入壽無窮

鬼星歌

禮縣新志

卷之一

星野

二

四星冊方似木櫃中央白者積尸氣鬼上四星是權位
天狗七星鬼下是外廚六間柳星次天社六星弧東倚
社東下星名天記

重纂禮縣新志卷之

地域

城池以衛民官師以治民禮雖蕞爾規模粗備其間公署倉庫考院義學市廛間巷外暨山川之險夷關鎮之阨塞悉登邑乘庶官斯土者覽其尺牘朗若列眉於以發號施令易俗移風無不可相其土宜而因勢利導焉志地域

縣城自明成化九年立始於舊千戶所城之西築南北西三面其東垣卽所城之西垣也所城舊有南北二門

禮縣新志

卷之一

地域

縣城亦南北二門復留所城之西垣舊門曰穿城門周三里有奇高三丈五尺譙樓四峭樓一礮臺八上有屋通衢四曰大北街大南街大西街縣南街慶祝宮在縣署之西文廟在舊所城東街關帝廟二一在所城西街一在北關外文昌宮在小南街東向城隍廟在所城南向節義祠在學署之東土地廟在縣治大門內縣署在城中街典史署在縣署之東學署在文廟之東經制署在小南街倉在縣署內考院在學署之東書院在學街公館在大南街義學入城內三一在文昌宮側舊書院

一在白衣菴一在考院大門內
東無關三里赤土山東嶽廟今毀十里高坂山上有文
昌觀三十里爲長道鎮卽故縣也有雍國公墓西十里
有禮店千戶故址又三里爲邢山堡平地突起一峯四
面如削不與邢山接高數十丈如席有諸葛武侯祠春
秋祀焉八十里爲羅家堡九十里爲白環堡其地則有
宋吳璘地綱遺蹟

南關通衢一有五龍宮風雲雷雨壇五里有埵土臺六
月六日週圍無影十五里翠峯山有神燈元宵則見奇

禮縣新志

卷之一

地域

二

峯峭壁古松森列近縣勝景迤南十里有元禮店元帥
府故址又五里有聖泉寺泉在殿中月光掩映三十里
碑樓川爲五代王仁裕明門克新故里迤東爲水磨川
四十里雷王山上有青崖洞天聖池禱雨輒驗太華山
有雷王墓八十里爲大潭鎮故縣也百二十里爲野麻
關明設守禦處爲雷家壩百六十里爲板橋明設巡檢
司於此今革二百里爲岳公宅傳相與龍神換宅者爲
大小關二百四十里至名山接階州界

西關通衢一有社稷壇火神廟冀國公梁國公趙學士

王少傅王尙書門尙書明知縣王定國墓十里有湫山
總司廟廟西有池縣人禱雨處十五里爲漢暢川二十
里爲柏林寺古稱大禪林也有石橋鎮六十里堰口坂
山中有門僅容單騎西出卽洮坪鎮又十里卽大堡砦
山九十里有三角城城址尙存傳爲后土司禦番處百
二十里爲關院石門天然亦后土司屯兵處二百里爲
八郎寨

北關通衢一有先農壇厲壇三公祠曩祠知縣高光張
美郗燦三公者今廢關帝廟天嘉福地雷神廟八蜡廟

禮縣新志

卷之一

地域

三

在正覺寺內池東有秦國公墓五里許曰鸞亭山上有
小泉每霧起卽雨三十里曰九泉山曰崖城鎮元時備
西戎處四十里曰中川鎮池東四十里有永平鎮八十
里曰固城鎮九十里曰橫河鎮接秦州境

禮縣介州之西南元置元帥府明立千戶所要地也西
入宕昌南控武階伏池南峙板橋在右大小關在後虎
邱塔山東亘西則神山也城西則莫遮攔岷峨諸山爲
外藩太平大砦二山峭峰四周有石門如砦然北則木
門道在焉

縣城始於立縣時不詳築者姓名咸豐元年知縣張崇本重修同治二年知縣劉元績增築燬臺同治六年知縣陳秉文七年蕭良慶容養正十二年張聯緯光緒六年查之屏厯加修治

縣署大門三楹門外左右爲旌善申明亭今廢門內東西舊爲倉今廢光緒間知縣東瞻泰改建壯快阜班房又東爲土地祠西爲女獄今廢上爲儀門三楹門內西角爲獄又東爲倉院東西爲六房吏舍中爲箴坊北爲堂曰節愛堂東角爲典史署西爲驛堂後爲二堂東西

禮縣新志

卷之一

地域

四

廂各三楹又後爲三堂東西廂各三楹堂前之東曰東花亭三楹西曰西亭三楹西亭後有院爲客幕三堂後爲內宅北室五楹東西廂各三楹後樓七楹明成化十二年知縣張源建二十年知縣劉淵隆慶中知縣望廷臣國朝雍正初知縣石夢戡重修同治九年三堂內宅燬於火光緒三年知縣陳廷楨七年知縣張汝學知縣查之屏厯加修葺尙未復舊

學署明倫堂五楹堂前東西齋各二楹堂後東西書房各二間又後爲內宅正室三楹東西廂房各三楹堂前

爲尊經閣

捕廳署在縣署之東大堂三楹前爲捲棚堂後宅門二堂三楹堂東小院一處花亭三楹西有廂房三楹再後東西書房各一間後爲內宅正室三楹東西廂房各三楹大堂前儀門三楹門內東偏有土地祠

經制署嘉慶十五年署經制白世榮於縣治之小南街創建衙署

慶禮宮在縣治之西北隅坐北向南

倉廩原設倉廩甚多各編字有二百餘間漸就地毀現

禮縣新志

卷之一

地域

五

存衙院內地字廩三間黃字廩八間旻字廩六間宿字廩五間洪字廩七間辰字廩二間酉字廩二間共三十三間

考院大門三楹門內差房三楹儀門三楹廳一東西號舍各七楹堂三楹東西耳房各二楹內院房三楹東西廂房各三楹同治八年知縣蕭良慶募貲建

書院舊曰天嘉在小南街道光七年知縣黃凱移建於學街更名曰天嘉

義學乾隆十年知縣方嘉發於縣治之西建立義學一

處於四鄉設義學五今廢同治九年知縣容養正設義學二所縣各一光緒二年知縣陳廷楨於鄉下添設二五年知縣盧泳清添設一八年張汝學添設三城內三鄉曰紅崖岬城岳平大潭洮平

公館在縣治之東大南街公館一所共房二十一間嘉慶元年知縣魏鈞建修

街巷城內大街四曰大北街大南街大西街縣南街小巷十一曰祿加廣豐薛家曲巷丁字劉家三多倉院積厚潘家

禮縣新志

卷之一

地域

六

堡塞東十里曰馬蘭壩三十里曰石家堡六十里曰馬騎塞八十里曰羅家鋪南五里曰東臺堡十里曰大柳樹二十里曰孟家林七十里曰龍鱗橋八十里曰碑樓堡一百里曰朱雀寺一百二十里曰雷家壩曰野麻關一百五十里曰福德堡二百里曰佛殿堡二百四十里曰名山堡西十里曰石碑堡十五里曰漢陽堡三十里曰斬龍灣六十里曰普照寺曰洞清觀曰白雀寺曰青崖堡七十里曰大堡砦八十里曰太平堡曰黃家河曰鑪頭壩一百二十里曰黃家嘴北五里曰四角坪十里

曰磨石嘴十五里曰馬鞍山二十里曰九堆土三十里
曰冉家堡曰崖城堡四十里曰清平堡曰中川堡共三
十五座

重纂禮縣新志卷之一

廟祠 附祀典

祀典所崇功施德溥今禮制修舉奉行唯謹而馨香致告豈謂神必據我哉春秋對越亦以將其誠恪耳志廟祠

文廟

文廟在舊所城東街最後為崇聖祠三楹內祀孔子先代及四配從祀諸賢雍正元年

上詔追封孔子先代王爵以五世祖為

禮縣新志

卷之一

廟祠

肇聖王 高祖為

裕聖王 曾祖為

詒聖王 祖為

昌聖王 父為

啟聖王改啟聖宮為崇聖祠門一間東西有角門前聖殿三楹內祀至聖先師孔子南向四配東西相向十二哲亦東西相向歷奉

御書 康熙 萬世師表 雍正 生民未有 乾隆 與天地參 嘉慶 聖集大

成 道光 聖協時中 咸豐 德齊情載 同治 聖神天縱 光緒 斯文

在茲

明嘉靖九年釐正祀典去大成殿稱先師廟去塑像用木主去王爵稱至聖先師諸賢俱去封爵四配稱某聖某子十哲稱先賢某子康熙五十一年陞祀先賢朱子於十哲乾隆三年尙書徐元夢請以有子若智足知聖陞爲十二哲部覆奏

旨准陞入殿內東旁卜子之下移朱子於西旁顧孫子之下前爲露臺臺下東西兩廡各五間諸賢諸儒通稱先賢某子先儒某子前爲戟門三間東西有

禮縣新志

卷之一

廟祠

二

角門外東名宦祠三間西鄉賢祠三間中爲泮池池西南有忠孝祠三間前爲櫺星門三間東西有角門外東西二門相對

魁星樓卽在西門內外爲德配天地道貫古今坊東西有下馬碑初建於縣東錦屏山之麓後復遷於縣南之西關

國朝順治十三年署知縣歐陽斌謂學校重位置關廟非宜也遂卜遷今地康熙間知縣萬世緯徐言禎先後重修乾隆六年知縣程鵬遠詳請重修大加

補葺宮牆煥然維新

有記入藝文

道光十九年知縣彭

喬雲重修

祀典

至聖先師孔子以每歲二八月上丁日祭先一日省牲
至期知縣行正獻及配享禮訓導分祭東西哲典
史分獻東西廡其樂章

迎神樂奏昭平之章

大哉孔子先覺先知與天地參萬世之師祥徵麟
紘韻答金絲日月既揭乾坤清夷

禮縣新志

卷之一

廟祠

三

初獻樂奏宣平之章

予懷明德玉振金聲生民未有展也大成俎豆千
古春秋上丁清酒既載其香始升

亞獻樂奏秩平之章

式禮莫愆升堂再獻響協鼓鏞誠孚疊獻肅肅雍
雍譽髦斯彥禮陶樂淑相觀而善

終獻樂奏敘平之章

自古在昔先民有作皮弁祭菜於論思樂惟天牖
民惟聖時若彝倫攸敘至今木鐸

徹饌樂奏懿平之章

先師有言祭則受福四海蠻宮疇敢不肅禮成告
徹母疏母瀆樂所自生中原有菽

送神樂奏德平之章

鳧釋戔戔洙泗洋洋景行行止流澤無疆幸昭祀
事祀事孔明化我蒸民育我膠庠

其祭品祭器陳設如儀

崇聖祠是日子夜訓導先祭之禮成然後同祭

先師不先父食之義也餘祠如魁星名宦鄉賢忠孝節

禮縣新志

卷之一

廟祠

四

義侯

大成禮畢各官照儀分祭

節義祠

在學署之東道光十五年知縣徐作霖重建

關帝廟

一在舊所城西街舊為官祭之所始創無考康熙戊午知縣高上達重建乾隆丙戌知縣余允

昌重建

在北關外者規模宏敞移春秋之禮於此創自明

神宗戊申年

有記入藝文

國朝順治壬辰知縣蘇世科重建

有記

乾隆間知縣魏

鈞重修同治軍興被賊焚毀光緒二年知縣陳廷

楨商諸軍門陳再益訓導甘霖淳會同紳耆捐貲
重修後爲後殿三楹內祀關帝三代雍正元年

上詔追封三代爲公爵咸豐六年加封王爵以曾祖爲

光昭王 祖爲

裕昌王 父爲

成忠王 前正殿三楹獻殿三楹內祀關聖大帝南向

嘉慶十九年

上詔加忠義神武靈佑仁勇道光八年加威顯成豐二
年加護國三年加保民八年加精誠光緒六年加

禮縣新志

卷之一

廟祠

五

綏靖翊贊宣德殿內恭懸成豐

御筆萬世人極四字殿前饗殿三間東西兩廡各三間
前忠義殿三楹東西兩廊各十五間前有蓮池池
前仁至義盡坊東西馬神房各一間四角有三角
亭各一大門三間外忠心貫日浩氣凌霄坊東西
相向每歲春秋并五月十三日致祭其祀禮同孔
廟其樂章

迎神樂奏格平之章

懿錄兮焜煌 神威靈兮赫八方 偉烈昭兮累

禮 祀事明兮永光 達精誠兮黍稷馨香 儼
如在兮洋洋

初獻樂奏翊平之章

英風颯兮神格思 粉綺蓋兮龍旗 斜挂醕兮
盈卮 香始升兮明姿 惟降鑒兮在茲 流景
祚兮翊昌時

亞獻樂奏恢平之章

觴再酌兮告虔 舞干戚兮合宮懸 歆苾芬兮
潔蠲扇 威顯翼兮神功宣

終獻樂奏靖平之章

鬱鬯兮三申 羅籩兮畢陳 儀卒度兮肅明禋
神降福兮宜民人

徹饌樂奏彞平之章

物惟備兮成有 明德惟馨兮神其受 告徹兮
禮終罔咎 佑我家邦兮孔厚

送神樂奏康平之章

幢葆葳蕤兮神聿歸 馭鳳軫兮騶虬駢 降烟
燼兮餘馥翻 願回靈盼兮德洽明威

望燎樂奏康平之章

焄蒿烈兮燎有輝 神光透燭兮祥雲霏 祭受

福兮茂典無違 庶揚駿兮永奠疆畿

文昌宮在縣治之西小南街嘉慶十五年知縣秦瑗創

建正殿三楹東向後殿三楹前有露臺儀門三間

旁更衣所三間頭門三間 有記入藝文 每歲春秋并二

月初三日致祭其祀禮如孔廟其樂章

迎神樂奏丕平之章

秉氣兮靈躔 翊文運兮赫中天 峴旌兮戾止

禮縣新志 卷之一 廟祠 七

雕俎兮告虔 迓神庥兮奏管絃 昭聖德兮

於萬斯年

初獻樂奏昭平之章

神之來兮邊籩式陳 神之格兮几筵式親 極

昭彰兮靈貺 致蠲潔兮明禋 升香兮伊始

居歆兮佑我人民

亞獻樂奏煥平之章

再酌兮瑤觴 燦爛兮庭燎之光 申虔禱兮神

座 儼陟降兮帝旁 粢醴潔兮齋潔將 綏景

運兮靈長

終獻樂奏煜平之章

禮成三獻兮樂奏三終 覃敷元化兮繫神功

馨香達兮胥蠻通 歆明德兮昭察寅衷

徹饌樂奏懿平之章

備物兮惟時 告徹兮終禮儀 神悅懌兮鑒在

茲 垂鴻佑兮桑治重熙

送神樂奏蔚平之章

雲駢駕兮風旗招 神之歸兮天路遙 瞻翠葆

禮縣新志

卷之一

廟祠

八

兮企丹青 願迴靈眷兮福我朝

望燎樂

烟熅降兮元氣和 神光燭兮梓潼之阿 化成

耆定兮囊弓戢戈 文治光兮受福則那

社稷壇

在西關春秋祀舊無牆門
光緒四年知縣東瞻泰建

風雲雷雨壇

在南關春秋祀舊無牆門
光緒四年知縣東瞻泰建

五龍宮

在南關春
秋祀焉

火神廟

在西關春秋致祭同治軍興
被毀十二年邑人捐貲重修

諸葛武侯祠

在縣東四十三里祁山堡春秋致祭同治
三年經兵燹為毀幾盡光緒二年知縣陳

廷植募貲重修
比昔更為宏敞

先農壇 在北關兵燹後光緒二年
知縣陳廷植捐廉重修

城隍廟在所城南坐北向南正殿三楹後二門一間門

內後堂三楹前為露臺東為靜宮三楹 另院有門 西為

聖母宮三楹反照三間 另院有門 功曹殿左右各三間

東西廊各三間前為戲樓為大門三間始建無考

明神宗戊午知縣劉澤遠重修

國朝乾隆間相繼重修道光七年知縣朱榕重修同治

元年知縣屈升之重修四年林之望方伯寓邑督

禮縣新志 卷之一 廟祠 九

餉適天旱率官民詣廟禱雨即應獻楹聯曰天本

無私勿忘修省神能降福共迓和甘

厲壇 在北關舊無門殿光緒
二年知縣陳廷植建

風神廟 在火神
廟之右

土地祠 在縣治大
門內之東

東岳廟 在東北四里赤土山內有三清玉皇
閣君聖母等殿廟祠極多今被毀

重纂禮縣新志卷之一

寺觀

漢明帝時沙門摩騰來京師置之鴻臚寺數年來者益多因作白馬寺以處其徒凡僧居稱寺洎六朝時凡道觀謂之館至唐始定謂之觀故道士所居皆稱觀志寺觀

雷神廟在西山之麓前被毀光緒二年知縣陳廷楨重修東岳廟在東北四里赤土山上廟祠極多今被毀一在北三十里崖城鎮一在東北四十里永平鎮

禮縣新志

卷之一

寺觀

湫山總司廟在西十里劉家溝前無考同治二年逆回入寇舊廟煨燼無餘十二年邑人捐貲重修迤西有神池上覆一亭水自亭中出居民賴之或觸以污穢卽涸禱之復盛每遇亢旱官率民取湫立應前知縣鄭業啟因澤沛生民詳請轉奏光緒十二年十一月十五日奉

御書澤覃澍水四字恭懸殿內池後卽金瓜山前有太原玉衡子偕繒紳遊金瓜山碑

孚佑帝君廟在天嘉福地光緒四年知縣東瞻泰建

蒼聖廟在興福寺光緒二年知縣陳廷楨建

雷王廟在南五十里雷王山上有天聖池禱雨療疾輒
應同治元年秦州直隸州托公遣使迎湫甘霖沛降
詳古跡

黑池龍王廟在南三里祈禱累應不知創自何時同治
間被賊毀邑人募化重修工甫竣又毀光緒六年復
建

西江神廟在南三十里碑樓川北自唐朝卽王尚書發

跡處元趙世延請旨敕封靈濟惠應文澤王依鐵籠

禮縣新志

卷之

寺觀

二

臨漢水前有一潭莫測深淺俗呼斗底峪天旱禱之
立應

西江神祠在東北四里赤土山之麓久廢有碑

岳公祠在西一百六十里

東岳行宮在南甕城

三聖祠在城南

清海廟南三十里水磨川無限修竹時引薰風

三官廟南一百二十里明時所建

興福寺在禮西與觀音閣相通今改爲報恩寺

正覺寺在縣北鸞亭山之麓一名天嘉福地寺有古柏一株石餅一座元宵後一日夜分餅內有絲竹聲是日邑人咸集謂之遊百病

翠峯寺在縣南十里蒼松蔽日有神仙洞相傳爲南和尙成仙處隗囂嘗避暑於此

柏林寺在縣西二十里舊大禪林也寺多古柏故名

聖泉寺在縣南十里有聖泉亭在殿中從地底流寺外清澄異常

古泉寺在縣東南二十里建於嘉靖年後屢加修葺右

禮縣新志

卷之一

寺觀

三

側一清泉魚鱗游泳水漲則旱淺則澇洪必雨清兆晴天旱取湫祈禱立驗前縣令魏公祈禱靈應題龍潭留影匾額以答神庥

玉泉觀在玖泉

大元觀在鎮鳳山

乾明寺在泰華山

龍興寺在稍峪鎮

曬經寺在瑤峪里古傳唐取經被水曬經於此

普覺寺在縣東

白衣菴在縣南

興福寺在北關武廟右

石佛寺在縣東三里有石佛一尊因名

青龍觀在縣東黑峪里一名正靈寺觀右一庄名火燒

寨庄西有竹林談相傳卽武侯火燒葫蘆峪之遺址

清涼寺在縣東黑峪溝峪前平列三寺頂曰上清涼中

曰中清涼峪口曰下清涼兵燹後碑碣殘缺

新泉寺在縣南三十里木磨川寺前有一神泉魚鱗游

派冬夏泉水不竭

禮縣新志

卷之一

寺觀

四

清海廟在縣南三十里木磨川廟有竹千竿翠色蒸籠

觀音寺在縣南七十里

朝陽觀在縣南一百五十里六巷鎮

通古寺在縣南一百五十里明萬曆年建

隆興寺在縣南八十里稍峪河

桃崖寺在縣南一百八十里淡家壩

燒香臺在縣南二百里朱家河

龍齋寺在縣南二百里何家莊

沙馬寺在縣西七十里

興福寺在縣西四十里岡上有廟寺側縣主陳公建立
義學書舍

鐘峯寺在縣西四十里紅崖河聖陽山昔有異人寓寺
內以犬代僕朝夕乞火民間後羽化至今墓蹟猶存
圓通寺在縣西六十里丹鳳山

玉皇廟在縣西六十里竹園溝卧牛坪極靈應嘉慶教
匪之亂賊見神靈怖而遠遁鄉人至今稱之

寶塔寺在縣西六十里壁峪河北山創於明宏化年後
屢修葺

禮縣新志

卷之一

寺觀

五

普照寺在縣西六十里壁峪河

洞清觀在縣西八十里上壁峪建於明天啟年嘉慶教
匪之變村民避亂其中迄今修葺數次

白雀寺在縣西六十里建自明萬曆乾隆年來屢加修
葺同泊回匪之亂村人依寺築堡寇每至神鍾自鳴
賴以保全

藥王廟在縣西八十里洮坪鎮咸豐間廟出藥餌病人
服之多有效

梵宇寺在縣西八十里太平山

玉皇殿在縣西八十里洮坪鎮禱雨多應
雙龍寺在縣西一百二十里關院內

靈湫觀在縣北一百三十里左一溝名瑤洞溝右一溝
名銀洞溝中一溝爲湫潭方圓數畝每年四月八日
取湫俗名南海觀有重建碑記